

De Hungaria.



HUNGARIA nunc sanè ea regio est, quæ olim Pannonia fuit, licet hæc hodie illius fines non omnino impleat, nec tam late quondam patuit, quàm hodie Hūgaria. Enim uerò à Iaytha flumine inferiorem tantum Pannoniam usq; ad Sauum amnem complexa, ultra Danubium, Poloniam attingit, terrâq; complectitur, quàm Gepidæ & Daci tenuerunt. Patetq; imperium gentis, multò latius, q̃ terræ nomen. Erat hæc terra (ut prisci rerum scriptores habent) nouem circulis, quos Hagas Germanica lingua dicimus circundata. Quorum singuli ita stipitibus quernis siue fagineis uel abiegineis extructi erant, ut de margine ad marginem uiginti pedum spacium tenderetur in latum, totidemq; erigeretur in altum. Ciuitas autem uniuersa, aut durissimis lapidibus, aut tenacissima creta repleretur. Porro superficies uallorum eorūdem integerrimis cespitibus tegeretur. Inter quorum confinia, arbutulæ plantatæ erant, quæ abscisæ, proiectæq;, ut plurimum herbas & frondes proferebant. De primo autem circulo ad secundum, uiginti miliaria teutonica protendebantur, & inde totidem ad tertium, & ita usq; ad nonum, q̃ uis alius alio semper cōtractior erat. Intra hos aggeres uici uillæq; ita constitutæ, ut ab una ad aliam uox hominis audiretur. Edificia ualidissimis muris præmunita. Portæ non satis latæ, propter hanc causam, ut per eas latrocinandi gratia, quæq; uersum exire ingrediq; facile possent. Tubarum clangore unus circulus, alteri cuiusq; rei certa signa dabat. Vrbs Hūgariæ regia, est Buda, à Buda Athilæ fratre appellata. Ager regionis, quatenus incolitur, tritico fertilis est. Auro atq; argento diues. Mirum est, quod indigenæ narrant, esse in Pannonia riuum, in quo, si sepius ferrum mergatur in cuprum uertitur. Viri uestes superne excuant, inter scapulas, lineæ subtus tunica circa collum & humeros quodam tenuis apparens, quam partem serico & auro ferè omnes exornant, indifferens, in caliga, coturno superinducto. Capillos inungunt, concinnantq;, lineo gale riculo contegunt, raroq; nec nisi in ocio resoluunt. Qui mos & à plerisq; Germanis obseruatur. Muliebris uestitus strictior, & ad collum subductus, ut omnia tegantur, tantum lineæ tuniculæ ora emineant, preciosissime ornata. Vestibus togam superinducunt. Serico caput, aut lineo componunt uelamine, ac præter oculos & nasum, cætera ferè abscondunt. Gemmis & margaritis uulgo utuntur. Coturno calceantur, uiri sceminæq;, ad media crura inducto. Annum lugent defunctos, & quosdam biennio. Barbam rasitant, præterquam superiori labro. Orthodoxæ fidei cultus ex lege iudicant.